

**PROGRAM RADA**  
**KOORDINACIONOG ODBORA CENTRALNIH HARMONIZACIJSKIH**  
**JEDINICA U BOSNI I HERCEGOVINI**  
**ZA 2020. GODINU**

**Januar 2020. godine**

## SADRŽAJ

1. UVOD .....	3
2. RAD KO CJH U 2019. GODINI .....	4
3. PROGRAM RADA KO CJH ZA 2020. GODINU.....	5
3.1. Aktivnosti KO CJH iz oblasti finansijskog upravljanja i kontrole .....	6
3.2. Aktivnosti KO CJH iz oblasti interne revizije .....	6
4. ODRŽAVANJE SJEDNICA KO CHJ U 2020. GODINI.....	7

## 1. UVOD

Na osnovu čl. 2. stav (13) i 28. stav (2) Zakona o internoj reviziji institucija Bosne i Hercegovine ("Službeni glasnik BiH", broj: 27/08 i 32/12), člana 6. Zakona o internoj reviziji u javnom sektoru Federacije Bosne i Hercegovine ("Službene novine Federacije BiH", broj: 47/08 i 101/16) i člana 6. Odluke Narodne skupštine Republike Srpske, broj: 01-1012/10 ("Službeni glasnik RS", broj: 72/10) uspostavljen je Koordinacioni odbor centralnih jedinica za harmonizaciju u Bosni i Hercegovini (u daljem tekstu: KO CJH).

KO CJH čine tri člana:

- a) Rukovodilac CJH Ministarstva finansija i trezora BiH,
- b) Rukovodilac CHJ Federalnog ministarstva finansija i
- c) Rukovodilac CJH Ministarstva finansija Republike Srpske.

Poslovníkom o radu KO CJH (u daljem tekstu: Poslovník o radu), koji je usvojen na sjednici KO CJH održanoj u Banjoj Luci, 24.01.2011. godine, bliže su uređene nadležnosti, funkcioniranje i organizacija KO CJH.

KO CJH je osnovan sa zadatkom odobravanja okvirnih propisa iz područja javne interne finansijske kontrole, sa ciljem njihovog usaglašavanja sa međunarodno priznatim principima upravljanja i standardima javne interne finansijske kontrole na nivou cijele BiH, koji će služiti kao polazna osnova svakog nivoa vlasti u izradi i usvajanju njihovih vlastitih propisa iz područja javne interne finansijske kontrole.

U ostvarivanju svojih ovlaštenja i odgovornosti iz područja javne interne finansijske kontrole, KO CJH odobrava:

- a) okvirnu strategiju razvoja funkcije interne revizije u javnom sektoru BiH,
- b) okvire primarne i sekundarne regulative iz područja interne revizije i finansijskog upravljanja i kontrole,
- c) standarde i kodeks etike interne revizije i interne kontrole, koji su zasnovani na međunarodno priznatim standardima,
- d) okvirne smjernice i metodologiju rada za područje interne revizije, koje su zasnovane na dobrim praksama drugih zemalja,
- e) okvirni program obuke za certifikaciju internih revizora i program za polaganje u cilju sticanja zvanja ovlaštenog internog revizora.

## 2. RAD KO CJH U 2019. GODINI

KO CJH je tokom 2019. godine realizovao aktivnosti planirane usvojenim Programom rada za 2019. godinu i u skladu sa usvojenom Odlukom o budžetu KO CJH za 2019. godinu.

Zaključno sa decembrom 2019. godine održano je ukupno 7 sjednica (6 redovnih sjednica i 1 vanredna sjednica).

Shodno planiranim aktivnostima iz Programa rada KO CJH za 2019. godinu, KO CJH je organizovao dvije zajedničke godišnje konferencije: jednu iz oblasti interne revizije i jednu iz oblasti finansijskog upravljanja i kontrole.

Treća po redu zajednička godišnja konferencija iz oblasti interne revizije u javnom sektoru Bosne i Hercegovine pod nazivom „*Interna revizija kao dio sistema internih finansijskih kontrola u javnom sektoru*“ održana je 10-11.06.2019. godine na Jahorini. Konferenciji je prisustvovalo više od 150 učesnika iz cijele Bosne i Hercegovine, koji su konferenciju ocijenili kao veoma korisnu i značajnu podršku za stručno usavršavanje i daljnji rad internih revizora.

Treća po redu zajednička godišnja konferencija o finansijskom upravljanju i kontroli pod nazivom „*Upravljanje rizicima u javnom sektoru u Bosni i Hercegovini*“ održana je 05-06.12.2019. godine u Tesliću. Konferenciji je prisustvovalo više od 150 učesnika koji su zaduženi za razvoj finansijskog upravljanja i kontrole u svojim organizacijama, a koji su na konferenciji imali priliku čuti aktuelnosti u vezi upravljanja rizicima, primjere iz prakse, te razmijeniti iskustva sa kolegama, predstavnicima CHJ te predavačima.

Obje godišnje konferencije finansirane su iz sredstava budžeta KO CJH, a na istima su pored eksternih predavača, bili angažovani i predstavnici centralnih harmonizacijskih jedinica koji su prezentovali aktuelnosti iz oblasti interne revizije u javnom sektoru i finansijskog upravljanja i kontrole i obrađivali teme bitne za praksu korisnika.

Nakon polugodišnjeg zastoja u realizaciji Projekta unaprijeđenja javnih internih finansijskih kontrola u Bosni i Hercegovini, finansiranog iz sredstava IPA, u maju 2019. godine nastavljena je realizacija projektnih aktivnosti. Kao jedna od prioritarnih aktivnosti bila je izrada strateških dokumenata i u tom smislu, od strane KO CJH je razmatran dokument okvirnog sadržaja strategija PIFC, koji predstavlja polaznu osnovu za izradu pojedinačnih strategija PIFC.

Kao jedna od projektnih aktivnosti planirana je i izrada IT rješenja, čiji su detalji i tehničke specifikacije razmatrani na sjednicama KO CJH. Navedenim rješenjem pored automatizacije izvještavanja FUK i interne revizije, planirana je i automatizacija



poslovnih procesa i registara rizika u organizacijama javnog sektora u cilju pomoći korisnicima na svim nivoima vlasti.

Pored navedenog, u okviru pomenutog projekta tokom 2019. godine realizovane su i druge pojedinačne projektne aktivnosti u skladu sa zahtjevima centralnih harmonizacijskih jedinica.

### **3. PROGRAM RADA KO CJH ZA 2020. GODINU**

Donošenje godišnjeg programa rada propisano je članom 4. Poslovnika o radu KO CJH s ciljem efikasnog i odgovornog ostvarivanja svojih nadležnosti. Program rada sadrži najznačajnije aktivnosti i zadatke koje KO CJH realizuje tokom godine.

Program rada KO CJH za 2020. godinu planira se i provodi u skladu sa važećim propisima iz oblasti javnih internih finansijskih kontrola na svim nivoima vlasti (BiH, FBiH i RS), kao i u skladu sa strateškim dokumentima i akcionim planovima u kojima su utvrđene aktivnosti i prioriteti centralnih harmonizacijskih jedinica vezani za njihovu operativnu realizaciju. Takođe, programom rada planira se unapređenje i harmonizacija sistema upravljačke odgovornosti i sistema unutrašnjih kontrola u skladu sa preporukama Generalne direkcije za budžet EK i SIGMA-e.

S obzirom na činjenicu da je u 2020. godini planiran nastavak realizacije projekta podrške uvođenju i razvoju PIFC-a (Projekat unaprijeđenja javnih internih finansijskih kontrola u Bosni i Hercegovini), koji finansira Evropska komisija putem programa IPA II, najveći broj aktivnosti KO CJH u 2020. godini biće vezan upravo za aktivnosti planirane u u okviru navedenog projekta.

Pored toga, KO CJH će u 2020. godini organizovati dvije konferencije, i to u prvoj polovini 2020. godinu konferenciju iz oblasti interne revizije, a u drugoj polovini godine konferenciju iz oblasti finansijskog upravljanja i kontrole. Termini i sadržaj planiranih konferencija će se uskladiti sa terminima planiranih obuka koje će realizovati Projekat.

Aktivnosti KO CJH iz oblasti interne revizije i finansijskog upravljanja i kontrole zavisit će od planirane dinamike realizovanja aktivnosti Projekta, razrađene kroz Početni izvještaj Projekta.

Kao prioritarna projektna aktivnost koja se odnosi i na finansijsko upravljanje i kontrolu i na internu reviziju jeste izrada i usvajanje strateških dokumenata za razvoj PIFC-a u institucijama BiH, Federaciji BiH i Republici Srpskoj za period 2020-2025. godina, zajedno sa planovima aktivnosti (akcionim planovima) za njihovu provedbu.

### **3.1. Aktivnosti KO CJH iz oblasti finansijskog upravljanja i kontrole**

Aktivnosti KO CJH iz oblasti finansijskog upravljanja i kontrole u 2020. godini će se fokusirati na sljedeće:

- Razmatranje analize postojećih zakonskih i podzakonskih akata, te usaglašavanje okvirnih dokumenata u vezi sa eventualnim izmjenama zakonodavnog okvira iz oblasti finansijskog upravljanja i kontrole;
- Unaprijeđenje provedbe i praćenje provedbe zakonskog okvira i politika u oblasti finansijskog upravljanja i kontrole, sa posebnim fokusom na provjeru kvaliteta finansijskog upravljanja i kontrole u javnom sektoru;
- Informatizacija izvještavanja za oblast finansijsko upravljanje i kontrolu i automatizacija mape poslovnih procesa i registara rizika;
- Organizacija edukacija i pilot aktivnosti iz oblasti finansijskog upravljanja i kontrole u okviru Projekta;
- Organizacija zajedničke godišnje konferencije iz oblasti finansijskog upravljanja i kontrole u okviru KO CHJ.

### **3.2. Aktivnosti KO CJH iz oblasti interne revizije**

Aktivnosti KO CJH iz oblasti interne revizije u 2020. godine će se fokusirati na sljedeće:

- Razmatranje analize postojećih zakonskih i podzakonskih akata, te usaglašavanje okvirnih dokumenata u vezi sa eventualnim izmjenama zakonodavnog okvira iz oblasti iz oblasti interne revizije;
- Unaprijeđenje provedbe i praćenje provedbe zakonskog okvira i politika u oblasti interne revizije, sa posebnim fokusom na unaprijeđenje metodologije rada za oblast interne revizije i provjeru/ocjenu kvaliteta rada interne revizije u javnom sektoru;
- Informatizacija izvještavanja za oblast interne revizije i uvođenje informatičkih alata za interne revizore;
- Organizacija edukacija iz oblasti interne revizije i pilot revizija u okviru Projekta;
- Organizacija zajedničke godišnje konferencije iz oblasti interne revizije u okviru KO CHJ.



#### 4. ODRŽAVANJE SJEDNICA KO CHJ U 2020. GODINI

U skladu sa članom 8. st. (1) i (4) Poslovnika o radu, sjednice KO CHJ će se održavati najmanje jednom mjesečno, naizmjenično, dvije u Sarajevu i jedna u Banjaluci.

Planirani termini održavanja sjednica KO CJH, za period januar – decembar 2020:

REDNI BROJ SJEDNICE	DATUM ODRŽAVANJA SJEDNICE	MJESTO ODRŽAVANJA SJEDNICE
1.	Januar 2020.	Banjaluka
2.	Februar 2020.	Sarajevo
3.	Mart 2020.	Sarajevo
4.	April 2020..	Banjaluka
5.	Maj 2020.	Sarajevo
6.	Juni 2020.	Sarajevo
7.	Juli 2020.	Banjaluka
8.	Avgust 2020.	Sarajevo
9.	Septembar 2020.	Sarajevo
10.	Oktober 2020.	Banjaluka
11.	Novembar 2020.	Sarajevo
12.	Decembar 2020.	Sarajevo

Broj: KO- 3/20

21.01.2020. godine

PREDSJEDAVAJUĆA KO CJH

Fatima Obhodaš